

欽定平定教匪紀略

欽定平定教匪紀畧卷二十九

十二月二十六日紀董誥等奏言查徐安幗牛亮臣二犯由河南解到臣等會同熬訊據徐安

幗供係長垣縣人年三十九歲父進成母趙氏

妻李氏均故兄安邦弟安幅安明子小五今年

九歲親姪徐賢我本是震卦教於十四年經王

學義引進拜滑縣人劉幗明爲師入兌卦教我

陸續在定陶曹縣城武單縣金鄉收了男女大小徒弟一百十三家共六七百人都是大徒弟朱成方掌管今年八月林清與李文成約期造反那時我在曹縣扈家集朱成方家中劉燭明寫信來知會我我就回家聽信適金鄉曹縣拏住我徒弟崔士俊等衆徒弟不服朱成方爲首先於九月初九夜搶進曹縣戕官刦獄聚衆約

有一千五百人接我爲頭九月二十邊我率領
衆人先殺了讐人武生許同家三命一路搶殺
於九月二十八日奔到滑城會見李支成等封
我與朱成方爲兌官伯把守道口被陝西楊大
人官兵打敗逃進滑城後來李文成逃走宋元
成是大元帥派我與牛亮臣陰承德把守東門
至北門一帶我們的人都用白布繫腰官兵進

城見白布繫腰的就殺我受傷倒地我哥哥徐
安那姪兒徐賢把我拉進民房躲進地窖有王
修智的兄弟王修仁將磨盤蓋好加土掩蓋不
料被官兵打開我見勢頭不好把哥哥姪兒抹
死正欲自刎已被拏住我的徒弟男女大小不
等都是朱成方登記紙摺業經被伊燒燬我記
得崔士俊們外尙有大徒弟張一馮舉蔡廷元

清回家有老岸司劉巡檢見我們聲勢過大進
城見強知縣將我同李文成拏去我被掌責數
十收監九月初七日坤宮王馮相林地皇馮克
善帶人進城刼獄把我放出從此起事林清說
三佛應刼書上我是仙盤所以我穿八卦仙衣
頭戴道冠人都稱我爲先生我門口有白旗一
面上寫著掌理天盤八卦開法後天祖師林大

弟子牛我道號叫子真道人我徒弟有李懷林
一家又連三中劉遵錫俱與宮伯孫有和是坤
宮伯申幘正是兌宮伯至山西教頭我指不出
地名人名祇記得于克敬任連他們往新鄉獲
嘉一帶傳徒那裏的人又往山西傳徒劉宗順
的後學都在山西遼州一帶我也叫不出姓名
來等語查該逆等夥黨衆多恐有漏網臣等現

在日夜熬訊容隨時奏聞請

旨飭拏外合將要供先行具

奏又據解到唐鬍子卽唐恒樂一犯訊問之下堅
供並無從逆情事謹將詳細供詞一併呈

覽

同日章煦奏言竊臣審訊鉅鹿縣民田克岐等
惑衆歛錢一案緣鉅鹿縣民李經先因大乘教

破案擬絞監禁該犯因從前有南和人張九成
卽張小猴曾爲伊子李中秋卽李秋看相算命
言其大貴二十五歲可幹大事并算嘉慶十九
年應有劫數可將其年歲增加乘時出世隨將
李中秋起名李盛元製造旗式並符戳暗記旗
上寫李盛元之名及起事月日囑禁卒王鳳奎
往喚大乘教散會首田克岐進監交令製旗分

章煦又奏言竊臣前奉

諭旨查拏林清案內頭目楊遇山卽楊月三一犯據
南和縣知縣王鎮拏獲解省該犯供詞狡展茲
據廣平府知府彭應杰稟報訪有永年縣民人
劉文明等與楊遇山習教勾通豫匪謀逆將劉
文明劉存信等十犯拏獲並於逸犯閆士興家
起出謀逆示稿等情正在行提間又據鉅鹿縣

民田克岐案內之閩生才供出民人王洛普係
白旗會首曾與楊遇山入教隨飭邢臺縣將王
洛普一併獲解提同楊遇山質訊始據楊遇山
供認嘉慶十一年在清河縣王官莊教首劉功
家內與河南商邱縣卦主邵姓相識本年四月
伊與于克敬等至林清家商議九月十五日之
事林清給書一封令其送與滑縣李文成伊先

至曹縣安陵集卦首徐先家後到滑縣又回至
廣平劉文明家傳送並寫書遣劉存信送交部
姓李文成等及帶去告示式樣等語臣現在移
咨河南山東訪拏部姓徐先二犯并將楊遇山
供出直省未獲各犯飭屬嚴拏俟質審明確解
京審辦又馬老太趙步雲卽趙撥雲二犯現亦
拏獲先行解京

同日百齡奏言查江境防兵五千餘名此時除先將派赴東豫曹考一帶協防之兵撤回外其邊界地方仍須藉資彈壓此內徐城有本鎮之兵足敷防守其豐沛蕭楊各縣應暫留兵一千二百名分佈駐防俟明年正二月間再行撤回所需口糧分例仍請照舊支給至留防官兵不可無大員督率應請令原任總兵樊雄楚統領

並酌留將備管帶其安徽鳳潁一帶並知會胡克家酌量留兵駐守再徐州各屬本係積歉之區近因東豫滋事隣邑震驚居民蕩析閭閻無拮据現將被災無業貧民逐一查勘分別極次戶口先行酌給折色口糧並將淮商所捐軍糧穀石除動用一萬石外再動支五萬石運送徐城分貯各縣預備來春酌借籽種及平糶之

五
卷二十一
用一切水陸運費均令據實報銷其節次

奏明籌撥軍需餉項共支發銀二十餘萬兩內除

臣等備銀五萬兩以佐例銷不敷之款又淮商

鮑崇城解到銀十萬兩外尙有不敷俟防兵全

撤之後統行查核辦理再江省各邊界臣會同

提鎮各臣遵照

睿謨悉力防守兼分兵顧及隣境數月來匪徒並無

一名闌入所有在事文武可否仰懇

天恩俯准擇其尤爲出力者量加鼓勵候

旨遵行

百齡又奏言查江境各營卡續據總兵沈洪等

報獲匪犯八名臣親提審訊內龐二麻龐振甲

習乾卦教在曹縣進署殺人田起在曹縣搶掠

村莊連斃多命徐鳳雲習離卦教在定陶縣劫

獄抗拒官兵李學勤許定邦習震卦教隨同焚掠抗拒高坤進城戕官劫獄傷人王書田習震卦教從逆搶劫疊斃多人又前次奏獲之榮興太一名亦係震卦教從逆殺人此時徐安峒就擒無庸留質臣已恭請

王命將該九犯凌遲處死又前據英雄楚稟報在豐縣劉家集檢獲黃紙尖旗上寫夏中振領兵三

千二百名至滑縣起手前赴北京等語隨在山東單縣地方訪獲夏中振訊知家係務農並無爲匪情事因查對筆跡究明係其隣居李方廷挾夏中振辱詈微嫌匿名誣陷該犯當逆匪滋事之際搖惑人心奸險可惡應請

旨卽行正法其周泳太一案訊明該犯實無入教勾結情事係孫欄柱挾嫌誣陷俟孫欄柱解到時

質訊明確嚴行懲辦均奏入

上諭內閣曰章煦奏審訊匪犯田克岐等聽從監犯李經散旗謀逆分別辦理一摺此案監犯李經妄造旗戳勾同禁卒約令田克岐等進監謀逆案關重大現將首夥各犯擒獲分別凌遲斬梟辦理甚爲妥速順德府知府康亮鈞著施恩賞加道銜仍加一級以示獎勵至大名縣知縣章德溥典史吳

家琦於監犯商同禁卒糾約謀逆漫無覺察大名
府知府莫景瑞近在同城毫無聞見非尋常踈玩
可比吳家琦著革職發往新疆充當苦差章德溥
著革職發往軍臺効力贖罪莫景瑞著卽革職以
示懲儆

上又諭內閣日章煦奏拏獲要犯楊遇山等究出另
案逆情楊遇山卽楊月三係逆犯林清案內最要

金史卷之二十一
之犯經南和縣知縣王鎮設法拏獲廣平府知府
彭應杰並究出劉文明等與楊遇山勾通謀逆重
情俱屬勤幹知府彭應杰知縣王鎮均著交部照
軍功例議敘以示鼓勵

上命軍機大臣傳諭那彥成曰昨日牛亮臣徐安欄
兩犯解到當經軍機大臣會同刑部嚴訊據牛亮
臣供本年林清到彼謀逆時定於九月十五日舉

事直奔京城各處有人接應其饒陽縣係劉道澹
接應等語前此曾據林清供出饒陽縣等處有劉
玉澹一犯係屬頭目嗣董惻太亦供有饒陽縣同
教劉玉澹之名屢經飭拏未獲今該逆供稱饒陽
縣係劉道澹接應是否劉道澹卽係劉玉澹抑另
有劉道澹其人那彥成節次所奏賊目單內未經
列入著那彥成詳查該犯實在下落如未經殲除

迅卽飭拏務獲勿任漏網再據徐安幅供出伊親屬除已斃外尚有伊弟安幅安明伊子小五年九歲共三犯均在滑縣城內是否確已殲斃切須查明不可稍留遺孽又訊據唐鬍子卽唐恒樂供稱伊係馮克善教拳棒師傅並非傳教師傅本年白蓮教造反到伊村莊伊因年老不能抵敵躲往附近地方伊孫被賊傷斃迨知縣孟岷瞻招集鄉勇

伊與徒弟仝仝丁元重等先後赴營盤聽差孟岷
贈給過腰牌伊與徒弟並同充鄉勇之陳之秀等
節經在酸棗林李家村周村及滑縣城內拏獲賊
匪多名初十日破城後伊隨孟岷瞻又拏獲賊犯
五名等語據所供情節如果確實則唐恒樂竟係
無罪之人應行省釋著那彥成傳到孟岷瞻向其
詢問唐恒樂是否隨伊充當鄉勇唐恒樂呈出腰

金匱要略卷之二十一
牌發令孟呖瞻辨認是否由伊給發其隨同拏賊之處是否確實遇便覆奏以憑核辦

上又命軍機大臣傳諭章煦曰章煦奏審擬鉅鹿縣民田克岐聽從李經謀逆一摺已明降諭旨將該管各員分別勸懲其未獲之張九成程士興二犯尤爲緊要該署督務派員上緊躡緝同案內未獲各犯一併嚴拏務獲勿任漏網又據奏拏獲要犯

楊遇山究出另案謀逆重情並將飭拏之要犯馬
老太趙步雲先後拏獲所辦俱好除馬老太趙步
雲二犯現已押解赴部外其楊遇山一犯與劉文
明等商同謀逆該署督俟劉文明等解到審訊明
確卽與案內人犯分別定擬在保定省城辦理毋
庸解京再本日訊據逆匪牛亮臣供稱林清與李
文成約期滋事直奔京城饒陽縣有劉道濫接應

彰德府有趙得一接應等語除逆犯趙得一已據
那彥成查明在滑縣殲斃外劉道澐一犯尙潛匿
饒陽地方著章煦卽派委委員前往嚴拏務獲惟
前據林清董綱太供出饒陽賊目係劉玉澐茲該
犯所供之劉道澐是否卽係劉玉澐抑另有劉道
澐其人並著確切查明具奏

上又命軍機大臣傳諭百齡曰百齡奏籌辦撤兵歸

伍及邊防善後事宜一招此次教匪滋事始於林清造謀該首逆伏匿畿輔屢次潛往河南勾結各逆約令北來迨後軍營拏獲各犯節次訊供亦皆稱欲北來爲林清接應獲犯內亦無江省之人然江南毘連豫東兩省彼時備禦不得不周今滑城克復並無餘匪竄出各省邊界防兵自應撤回歸伍該督以邊界甫經輯寧尙資彈壓請暫留兵一

千二百名在彼交總兵樊雄楚等督率駐防亦係
慎重之意但亦不必遲至二月該督接奉此旨察
看情形如地方安靜統於正月內全行裁撤以節
勞費其所請撫卹貧民徐州本係積歉又因鄰邑
匪徒滋事居民騷動必須加意撫戢著照所請將
該一帶被災無業貧民查勘極次戶口先行酌給
折色口糧並於淮商捐穀內動支五萬石運往分

貯各縣以備來春酌借籽種及平糶之用所需水陸運費准其核實報銷又軍需報銷一欸江省軍需支發銀兩據稱有二十餘萬並捐項十五萬兩備抵轉瞬防兵全撤即可截數該督務須督飭局員核實報銷絲毫毋任浮冒至所請鼓勵出力人員之處江省防堵邊境非軍營可比但時閱三月該省亦曾拏獲餘匪多名著該督秉公遴選擇其

金匱要略卷二十一
尤爲出力者保奏數員候朕施恩勿許浮濫又據
奏審明捏造逆旗挾嫌裁害之李方廷一案李方
廷因挾夏中振辱晉徵嫌輒敢以謀逆重情製旗
誣讎實屬陰險可惡該犯與孫桐柱一犯情節無
異李方廷著卽行正法其孫桐柱一案俟山西將
該犯解到時按欵質訊明確亦卽行正法以息刁

風

上又命軍機大臣傳諭同興曰章煦奏拏獲首逆林清案內頭目楊遇山卽楊月三一犯訊據供稱該犯於本年四月內與于克敬等至林清家商議九月十五日起事林清給書一封令其送與滑縣李文成該犯先至曹縣安陵集卦主徐先家後至滑縣等語徐先一犯山東曹縣安陵集人訊係卦主與楊遇山往來熟識且於九月滋事之先潛通消

息亟應嚴拏究辦不可遲延著該撫卽派委妥員
前赴該處查拏務獲訊取確供一面具奏一面將
該犯解赴直隸交章煦歸案審辦

上又命軍機大臣傳諭方受疇曰章煦奏拏獲逆首
林清案內頭目楊遇山卽楊月三一犯訊據供稱
該犯於嘉慶十一年在清河縣王官莊教首劉功
家與河南商邱縣卦主邵姓相識十二年伊與大

乘教內教首孫維儉李景幅等前赴商邱相見並
送給銀兩本年四月內又與于克俊等至林清家
商議九月十五日起事並寫書遣劉存信送交邵
姓等語邵姓一犯河南商邱縣人訊係卦主與楊
遇山往來熟識得受銀兩且於九月滋事之先潛
通書信該犯邵姓是否卽係前次飭拏之邵四現
在該犯或尙潛匿商邱亟應嚴拏究辦著該撫卽

派委委員前赴該處查拏務獲訊取確供一面具奏一面將該犯解赴直隸交章煦歸案審辦

十二月二十七日庚申那彥成楊遇春奏言竊臣

等欽奉

恩旨將首先登城超衆出力之官兵等查明保奏謹先於滿漢各營官兵內將首先登城及入城打仗殺賊並創掘地道尤爲出力者分列三單恭

呈

御覽尙有初十十一二三四等日拏獲賊首賊目者
另容查明具奏至此外隨營文員尤爲出力者
亦應一併開單奏明伏懇

施恩鼓勵

那彥成又奏言竊照軍營所出滿漢員弁各缺
應擇其打仗出力者儘先拔補臣謹據實遴選

金史卷之五十一 卷二十一
三
分別開單進

呈伏候

訓示再河南藩司台斐音駐紮衛輝督辦軍需諸臻
安速又祥河同知方傳秩係方受疇之子因廻
避改掣東河尙未前往適教匪滋事方受疇令
其馳赴軍營聽候差委該員隨營奮勉不避艱
險臣不敢壅於上

聞恭候

聖裁

是日長齡奏言臣於十二月十九日續接朱勲
來信稱大股賊匪約有三千餘人並有小王潤
一起匪徒五百餘人經寧陝營叅將張起鰲等
剿殺得勝又紫閣峪匪徒二百餘人現經護總
兵達凌阿等帶兵堵剿又古子溝賊匪百餘人

經厚吟子千總海蒲殲獲多名等語臣查該匪

徒分有數股雖係烏合之衆若不及早剿辦恐

裏脅日衆且逼近老林辦理棘手臣得信後當

卽續調陝安兵五百名令卽就近赴署提臣常

祿處會剿並札調該鎮祝廷彪於撫臣前調兵

五百名外再挑五百名自行帶往與吳廷剛分

路夾擊並札知吳廷剛將該鎮官兵再添調數

百名以資剿辦至臣前備河州兵五百八十名
卽派循化營叅將馬成帶領前赴秦州徽縣兩
當一帶會同署秦州營遊擊馬柱帶領官兵於
接壤各隘口嚴密防堵臣卽日先帶靖遠營兵
一百名兼程前赴該處會同朱勲等籌辦一切
並派寧夏鎮游棟雲挑帶官兵一千五百名隨
後接應均奏入

上諭內閣曰那彥成等奏查明出力員弁兵丁據實保奏一摺此次攻克滑城剿滅賊衆實屬辦理完善那彥成等先將尤爲出力者奏請鼓勵著照所請加恩將首先登城之總兵馬元賞加提督銜副將張大振賞給強勇巴圖魯名號遊擊周貴賞給迅勇巴圖魯名號叅將祁祥遊擊齊慎以副將陞用先換頂戴遊擊馬光宇萬彪呂天俸馬騰龍守

備黨得用千總王萬得段永福饒成富俱以應陞
之缺陞用先換頂戴總兵音登額遊擊圖勒畢善
俱賞戴花翎遊擊陳天壽都司馬起龍俱賞換花
翎遊擊富克清阿廣瑞守備高傑雲騎尉趙世芳
千總仇懷瑾丁順白玉把總姜得智張賢音大鵬
武舉巫殿甲陳紹宗外委陶昇怡蘭唐如意賈得
額外外委吳元誠文國安劉兆吉馬兵白俊陳貴

劉奇李虎魏烈李元許正武李正邦王大明俱賞
戴藍翎吉林領催委防禦舒隆阿委驍騎校五十
九俱以額外驍騎校陞用委官圍和保委驍騎校
都凌阿俱賞換花翎委防禦色鋪清額領催安寧
豐林保雙金保前鋒窩赫訥甲兵伊精德納年保
庚音布西楞額伊靈阿英善七十一金海巴清德
俱賞戴藍翎委驍騎校富克錦甲兵阿里福烏爾

公額俱以驍騎校陞用委防禦德成賞換花翎驍
騎校隆住賞戴花翎索倫八品瘡生車楞達什委
官吉林保俱賞戴藍翎前鋒藍翎長達布星阿達
爾齊領催敦保色爾善俱以驍騎校陞用委營總
管保以額外總管陞用藍翎委防禦額爾格木齊
委叅領齊木多爾濟俱賞換花翎領催庫密特依
以額外驍騎校陞用委防禦哈豐阿賞戴花翎委

驍騎校訥林保三音齊克俱以額外驍騎校陞用
委叅領愛仁保委防禦額林薩領催德成額甲兵
色拉必德爾巴伍倫佩俱賞戴藍翎委營總伍爾
清阿賞加副都統銜副總管委營總富登阿准其
開復降二級處分火器營護軍懷他布賞戴藍翎
親軍藍翎長扎玉善阿素拜唐阿倭什布俱以藍
翎侍衛陞用護軍校烏爾滾太以三等待衛陞用

前鋒校蘇拉布准陞一等健銳營侍衛西林保以
三等侍衛陞用二等待衛色楞保以頭等待衛陞
用三等待衛蘇清阿以二等待衛陞用副前鋒校
吉勒圖堪准陞一等西安防禦善寧賞戴花翎驍
騎校忠靈賞戴藍翎前鋒校圖英阿以額外驍騎
校陞用其刨掘地道安放地雷之叅將丁永安著
以副將用先換頂戴遊擊楊印花都司唐燧俱賞

換花翎都司吳亨佑余國柄守備劉允孝俱以應
陞之缺陞用先換頂戴五品軍功袁鏞武舉馬俊
千總蔣士榮把總楊光春楊生祿外委穆陞王青
山額外外委張文玉兵丁安定邦張鳳鳴沈奎劉
永福馬全尙文全張順馬奎樊起元周玉福許受
李篤生左顯文謝奎俱賞戴藍翎其打仗奮勇殺
賊之吉林委叅領德春扎庫奇俱賞戴花翎委防

禦豐盛額委官格綉額委驍騎校立柱達森保三
音保前鋒多靈阿甲兵福隆阿伊才保福春伍靈
阿德楞保德楞額富寧阿貴林俱賞戴藍翎索倫
協領卓爾渾保賞加副都統銜佐領德色爾克依
托隆武俱賞戴花翎佐領貝渾保賞給堅勇巴圖
魯名號甲兵西楞保布坤初簿雲圖前鋒巴拉呼
勒岱甲兵格通阿烏爾滾保索木策楞俱以額外

驍騎校陞用驍騎校雅布延領催巴爾疆阿薩寧
阿甲兵吐靈阿豐盛額窩克精額色吐渾顯孫保
靈寧滿倉杭古爾扎普色文諾爾布達薩布百依
胡善雅蒙阿古寧阿薩立善希朗阿俱賞戴藍翎
火器營護軍校吉格以委叅領陞用藍翎長雙壽
吉爾明阿以護軍校陞用藍翎長薩明阿以額外
護軍校陞用藍翎長達洪阿以藍翎侍衛陞用委

候補知州吳扶曾陞有恒俱准其儘先補用知縣
璧昌孟岷瞻俱賞戴藍翎儘先陞用之知縣王楚
堂以同知直隸州陞用先換頂戴候補知縣沈春
煦准其儘先補用縣丞張尙棟以知縣陞用縣丞
楊廷陞以知縣儘先陞用布政司照磨唐晉錫以
應陞之缺儘先陞用投効縣丞李增壽歸部卽選
候補縣丞葉峻岫准其儘先補用投効縣丞楊紹

源准其留於河南儘先補用候補吏目方傳秉准
其儘先補用候選從九品張忻歸部卽選革職直
隸州知州張學程知縣張丹桂典史沈榮俱准其
捐復原官其革職兵部郎中丁樹本請賞給六品
頂戴之處未免過優著以兵部七品小京官用

上又諭內閣曰那彥成奏軍營打仗出力滿員分別
陞補一摺加恩著照所請火器營空花翎霍隆武

陞任藍翎侍衛遺缺著德祥補授所以前鋒校員
缺著穆特布補授所遺藍翎長員缺著泥音住補
授又副護軍叅領諾不齊陞任頭等侍衛遺缺著
托克托武補授所遺委章京員缺著福倫布補授
所遺前鋒校員缺著倭仁布補授所遺副前鋒校
員缺著德爾色楞補授又前鋒校察當阿革退遺
缺著烏隆阿補授所遺副前鋒校員缺著福忠阿

補授又副前鋒校窩什布革退遺缺著色勤補授
所遺筆帖式員缺著他青阿補授又副前鋒校明
福革退遺缺著阿隆阿補授所遺筆帖式員缺著
保明補授又前鋒校岳王保陣亡遺缺著蒙古巴

圖補授所遺烏鎗藍翎長員缺著蘇素勒通阿補
授又西安滿營驍騎校穆蘭革退遺缺著伍忠阿
補授又防禦色克通阿陞任佐領遺缺著鳳靈補

授所遺驍騎校員缺著扎克丹補授又吉林驍騎校富靈德陣亡遺缺著德林保補授

上又諭內閣曰那彥成奏綠營各缺請將打仗出力人員分別陞補一摺加恩著照所請甘肅廣武營遊擊員缺著方一彪調補陝西漢中鎮標左營遊擊員缺著李章陞補涇州營都司員缺著胡超補授赤金營都司員缺著周悅勝陞補甘肅提標後

營守備員缺著徐士麟陞補硤口營都司員缺著

馬天錫陞補固原提屬八營守備員缺著朱效先

陞補陝西岷州營都司員缺著溫永泰陞補南古

城營守備員缺著王元陞補陝西文縣營都司員

缺著鍾虎獅陞補慶陽營守備員缺著馬輔相調

補甘肅寧夏鎮標左營守備員缺著單烟陞補陝

西柏林堡守備員缺著席殿魁陞補陝西畧陽營

守備員缺著魯福山陞補陝西河州鎮標右營守
備員缺著孔登元陞補陝西鎮安營守備員缺著
劉太陞補甘肅紅水堡守備員缺著楊得貴陞補
河南盧氏營守備員缺著趙六韜陞補所有此次
陞補各員均著加恩先換頂戴

上又諭內閣曰那彥成奏藩司台斐音督辦軍需攻
具一切無誤同知方傳秩隨營辦事不辭勞瘁等

語台斐音方傳秩均著加恩交部議敘

上命軍機大臣傳諭那彥成曰昨又訊據牛亮臣供稱伊徒弟有李懷林一家又連三中劉遵錫俱是異宮伯孫有和是坤宮伯申懶正是兌宮伯又徐安懶供稱伊徒弟內有牛建聞王卓立蕭觀義張發捷朱大朋程伯岳俱經跟至滑城等語所有該二逆供出徒黨各犯除那彥成開呈原單內有名

者俱已扣除外茲將原單未載者逐一飭知著那
彥成詳細查明曾否殲斃如尙未殲斃卽飭令嚴
拏務獲勿任漏網

上又命軍機大臣傳諭衛齡曰昨那彥成將賊首牛
亮臣生擒解京訊據供稱山西教頭伊指不出人
名地名惟記得于克俊任連等往新鄉獲嘉一帶
傳徒新鄉獲嘉之人又往山西傳徒劉宗順的後

學都在山西遼州一帶等語于克俊任連劉宗順
三犯俱已殲斃而山西地方尙有其徒此時牛亮
臣未能將姓名住址供出但據稱係新鄉獲嘉之
人到彼傳習無難從此緝訪著銜齡密飭該地方
官於遼州一帶確加訪查如有傳教爲匪之人嚴
拏首犯訊辦但不可張皇妄拏株連良民別滋事

端

上又命軍機大臣傳諭長齡楊遇春朱勳曰長齡奏
接准朱勳知會自省起程前往岐山三才峽等處
督同進剿等語岐山匪徒滋事節經降旨飭令長
齡速赴陝省會同朱勳督辦復派楊遇春帶領吉
林黑龍江等處官兵來陝會剿計此時各路會剿
之兵已有五六千人又有六百勁旅兵力不爲不
厚賊匪雖有三四千人昨已被官兵殲斃七八百

名諒烏合之衆不難一鼓掃除該督等總當專意
剿捕斷不可預存招撫之見使奸民無所畏懼其
實係被脅饑民未經與官兵接仗先自投出者自
當訊明釋放若曾經執持器械抗拒官兵卽係亂
民不可稍存姑息該督等係本省總督提督巡撫
大員務同心協力迅掃賊氛以靖地方現已降旨
令高杞馳赴蘭州暫署陝甘總督印務就近查拏

劉五訓一犯其鄜州之王風五郎開之劉添貴二
案匪犯著長齡朱勳仍一面飭屬上緊緝拏獲犯
後訊取確供具奏卽在陝省辦理毋庸解京長齡
俟剿辦諸務完竣著卽由陝起程來京陛見

上又命軍機大臣傳諭高杞曰陝西軍營帶兵大員
現有長齡楊遇春朱勳會同籌剿足資經理高杞
此時毋庸再行前往惟甘肅地方緊要省城不可

無大員彈壓高杞接奉諭旨著卽馳赴蘭州暫署
陝甘總督印務辦理地方事務前據逆犯供出蘭
州地方有教首劉五訓一犯飭令該省查緝高杞
到任後著卽飭屬嚴密訪緝務期弋獲毋令漏網

同日方受疇奏言

臣連日據祥符縣知縣王祁

等先後稟獲賊匪王進成李善魁卽李奇魁劉
李臣張喜元等四名親提嚴審內王進成係長

垣縣人聽糾入教曾經隨賊打仗焚掠村莊李善魁卽李奇魁係滑縣人劉李臣係封邱縣人均經隨賊抗拒殺害官兵張喜元係滑縣人曾隨賊佔住道口並在滑縣守城臣於審明後均卽分別正法再南陽鎮臣呢瑪善前在蘭陽南岸防堵茲臣回省後已囑令將原領官兵帶回南陽歸伍其北岸封邱考城一帶防兵暫令遊

擊楊景芬等帶領駐守隨後酌撤所有臣標原

派攻剿兵一千四百名臣已由軍營帶回歸伍

同日那彥成奏言本月二十三日申刻欽奉

諭旨令楊遇春迅赴南山協剿臣查原調陝甘官兵

六千五百名內固原河州兵共二千名先已凱

撤又西安滿兵一千名西安鎮標兵一千名亦

已隨後撤回外尚存固原兵五百名今卽交楊

遇春帶回陝西并挑出吉林馬隊三百名黑龍
江馬隊三百名令色爾滾達斯呼爾岱管領並
帶巴圖魯侍衛八員於二十四日辰刻起程行
走約計十日即可趕至南山又前此撤回之西
安滿兵應請擇其得力者二三百名派往南山
協剿臣已告知楊遇春趕往前途辦理現在臣
軍營止存甘肅督標兵一千名靜寧靖遠兵一

金史卷之九十一 卷二十一
三十一
千名吉林索倫兵一千四百名駐紮滑縣加意

鎮撫均奏入報

聞